



**Emma:** Fruu Hansen, dü satst aw Austraalien!

**Fruu Hansen:** Oo, dat fertrüt me. Wjarst dü deer al iinjsen?

**Emma:** Naån, dat as me åltu wid wach! Ouers we kääre jarling eefter Frånkrik, dat as uk en gån wid räis. Ma e woin brüke we was twunti stüne, ouers we mååge wilems uk en weel.

**Paul:** Sü maning foone, foue we dat åles turuchte? Dat deer as aw arken fål di foone foon Ruslönj.

**Swantje:** Ik häaw di foone foon Ååsterrik, lätj me iinjsen deerhaane!

**Bahne:** Ik säk Dånmark, deer booget man oome. Oo, deer – ik häaw't fünen!

**Emma:** Sinje, dü hääst di foone foon Frånkrik, di häaw ik al soocht! Mötj ik di heewe?

**Sinje:** Jåå, håå! Ik håå me dan di foone foon Swärik foon e waningebånk, täiw gau iinjsen!

**Paul:** Kiik iinjsen! Tädi tåntk: „wat as Ruslönj grut – deer koon ik me ferluupe!“

**Fruu Hansen:** Wat dü åles ferteelst! Seed me iinjsen – weer as Jaapan?

**Emma:** Deer, bai de önj e jarn! Dat as sü'n smuken foone ma en gruten rüüdjen kris, sü as aw Inans switer!

**Ina:** Man switer schucht üt as e foone foon Jaapan, natörlik!

**Paul:** Än Bahnens switer schucht uk üt as di dånsche foone.

**Emma:** Lewe, hääst dü Poolen dan ål fünen? Deer wjarn we leest iir.

**Lewe:** Natörlik, ouers ik kam deer ai haane – Oke as önj e wäi.

**Paul:** Lätj ham mån, hi as bai tu säken.

**Emma:** Ik liiw, we mönje ham en lait heelpen! Deer boowen wårt dåt ninte.

**Oke:** Ik koon da Naaserlönje ai fine!

**Paul:** Dan kiik iinjsen aw e leeft sid, eeftert weesten!